

*Зам, тээврийн хөгжлийн сайдын
2019 оны 06 сарын 12-ны 187 тоот
тушаалын 07 дугаар хавсралт*



ИНД - 157

Иргэний Нисэхийн Дүрэм

Аэродром байгуулах, өөрчлөх, нээх ба хаах

Иргэний нисэхийн ерөнхий газар

ДҮРМИЙН ТАЙЛБАР

ИНД-157 нь, энэ Дүрэмд заасан төрлийн аэродром, эсхүл хэлипорт байгуулах, өөрчлөх, нээх, эсхүл хаахыг санал болгож байгаа этгээдэд тавих шаардлагыг тогтооно.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-157-гийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-157, түүний нэмэлт, өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

Өөрчлөлтийн түүх**Хүчинтэй огноо**

Анхны боловсруулалт

2002 оны 12 сарын 20

Нэмэлт, өөрчлөлт 1

2010 оны 05 сарын 07

Нэмэлт, өөрчлөлт 2 (Шинэчлэлт)

2019 оны 06 сарын 12

Тэмдэглэл: ИНД-157-гийн шинэчлэлтийг монгол, англи хэл дээр, NZ Part 157-гийн 1996 оны 02 сарын 08-ны А.1-д үндэслэн боловсруулсан болно.

Гарчиг

157.1	Хамрах хүрээ.....	1
157.3	Нэр томъёо ба товчлол.....	1
157.5.	Мэдэгдэл хийх шаардлагатай төсөл	1
157.7	Зорилгын мэдэгдэл	2
157.9	Нисэхийн судалгаа	2
157.11	Аэродромын талаарх шийдвэр	3
157.13	Гүйцэтгэлийн талаарх мэдэгдэл	3

157.1 Хамрах хүрээ

(a) Энэ Дүрэм нь, энэ зүйлийн (b)-д заасан аэродром, эсхүл хэлипорт байгуулах, өөрчлөх, нээх, эсхүл хаахыг зорьж байгаа этгээдэд тавих шаардлагыг тогтооно.

(b) Энэ Дүрэм нь дараахаас бусад аэродром, эсхүл хэлипортод хамаарна:

- (1) ИНД-139-ийн дагуу гэрчилгээжсэн байхыг шаарддаг аэродром; эсхүл
- (2) үргэлжилсэн 30 хоногт 7-оос дээшгүй өдөр ашигладаг, эсхүл ашиглахад зориулсан, VFR-аар үйл ажиллагаа нь хязгаарлагддаг аэродром, эсхүл хэлипорт; эсхүл
- (3) ХАА-н агаарын хөлөг ашигладаг, эсхүл ашиглахад зориулсан, нислэгийн хөдөлгөөний удирдлагын бүсэд байрлаагүй дараах аэродром:
 - (i) хамгийн ойр байрлах бусад аэродромоос 9 км-ээс (5 nm) багагүй зайд байрладаг;
 - (ii) хамгийн ойр байрлах хэлипортоос 5.6 км-ээс (3 nm) багагүй зайд байрладаг; эсхүл
- (4) зөвхөн ХАА-н нисдэг тэрэг ашигладаг, эсхүл ашиглахад зориулсан, нислэгийн хөдөлгөөний удирдлагын бүсэд байрлаагүй дараах хэлипорт:
 - (i) хамгийн ойр байрлах аэродромоос 5.6 км-ээс (3 nm) багагүй зайд байрладаг;
 - (ii) хамгийн ойр байрлах бусад хэлипортоос 1.8 км-ээс (1 nm) багагүй зайд байрладаг.

157.3 Нэр томьёо ба товчлол

Энэ Дүрэмтэй холбоотой нэр томьёо болон товчлол нь ИНД-ийн нэр томьёоны тайлбарт багтсан.

Энэ Дүрмийн 157.1 болон 157.5-ын зорилгоор аэродромд нисдэг тэрэг ашиглахад тусгайлан зориулсан, эсхүл бүтээсэн, газар, эсхүл усан дээр тогтоосон талбай багтахгүй.

157.5. Мэдэгдэл хийх шаардлагатай төсөл

Дараах төслийг хэрэгжүүлэхээр төлөвлөж байгаа этгээд нь (цаашид Хүсэлт гаргагч гэх) 157.7-д заасан хэлбэрээр Даргад зорилгын мэдэгдэл хүргүүлнэ:

- (1) энэ Дүрэм хамаарах аэродром, эсхүл хэлипортыг байгуулах, эсхүл бусад хэлбэрээр бий болгох, эсхүл ийм аэродром, эсхүл хэлипортыг ажиллуулах;
- (2) энэ Дүрэм хамаарах аэродром, эсхүл хэлипортын хөөрч буух зурвас, эсхүл бусад агаарын хөлгийн хөөрөлт, эсхүл буултын талбайг байгуулах, чиглэл өөрчлөх, өөрчлөх, эсхүл ажилд оруулах;
- (3) зөвхөн VFR-аар үйл ажиллагаа нь хязгаарлагддаг аэродром, эсхүл хэлипортыг үргэлжилсэн 30 хоногт 7-оос дээш хоногоор ашиглахаар сунгах;
- (4) энэ Дүрэм хамаарах аэродром, эсхүл хэлипортыг, эсхүл тухайн аэродром, эсхүл хэлипортын хөөрөлт, эсхүл буултын талбайг нэг жил, эсхүл түүнээс дээш хугацаагаар хаах, ашиглалтыг зогсоох, эсхүл татгалзах.

157.7 Зорилгын мэдэгдэл

(a) Энэ дүрмийн 157.5(1), (2) болон (3)-т шаардсан мэдэгдлийг, тухайн ажил эхлэх өдрөөс 90-ээс доошгүй хоногийн өмнө САА 24157/01 маягтын дагуу Даргад хүргүүлсэн байна.

(b) Энэ дүрмийн 157.5(4)-т шаардсан мэдэгдлийг тухайн аэродромыг хаах, ашиглалтыг зогсоох, эсхүл татгалзахаар төлөвлөсөн өдрөөс 30-аас доошгүй хоногийн өмнө бичгээр хүргүүлсэн байна.

157.9 Нисэхийн судалгаа

(a) Дарга 157.7(a)-ийн дагуу зорилгын мэдэгдэл хүлээн авсны дараа, нисэхийн судалгаа хийнэ.

(b) Дарга нисэхийн судалгааг хийхдээ хамааралтай гэж үзсэн иргэд, төлөөллийн бүлэг болон байгууллагатай зөвлөлдөнө.

(c) Нисэхийн судалгааг, санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах болон газарт байгаа хүн, өмч хөрөнгийн аюулгүй байдалд үзүүлэх нөлөөллийг тодорхойлох зорилгоор хийнэ. Тодорхой нөхцөлд нисэхийн судалгаанд дараах хүчин зүйлийг анхаарч үзнэ:

- (1) санал болгосон ажиллагаа нь одоо байгаа, эсхүл шинээр төлөвлөж байгаа аэродром, хөрш аэродромын хөдөлгөөний хайрцагт хэрхэн нөлөөлөх;
- (2) санал болгосон ажиллагаа нь, одоо байгаа болон төлөвлөж байгаа агаарын зайд хэрхэн нөлөөлөх;
- (3) санал болгосон ажиллагаа нь газарт байгаа хүн болон өмч хөрөнгийн аюулгүй байдалд хэрхэн нөлөөлөх;
- (4) холбогдох газар нутагт одоо байгаа, эсхүл хүний гараар бүтээхээр санал болгосон объект болон байгалийн объект нь санал болгосон ажиллагаанд хэрхэн нөлөөлөх.

157.11 Аэродромын талаарх шийдвэр

(a) Нисэхийн судалгаа дууссаны дараа Дарга хүсэлт гаргагч, холбогдох орон нутгийн удирдлага болон бусад сонирхогч этгээдэд аэродромын талаар дараах аль нэг шийдвэрийг гаргаж өгнө:

- (1) **Татгалзах зүйлгүй:** санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах болон газарт байгаа хүн, өмч хөрөнгийн аюулгүй байдал, хүрээлэн буй орчинд сөргөөр нөлөөлөхгүй гэж үзвэл Дарга “татгалзах зүйлгүй” гэсэн шийдвэр гаргана;
- (2) **Нөхцөл заасан:** санал болгосон ажиллагааны хүлээн авах боломжгүй хүчин зүйлийг тогтоон, хэрэв тодорхой заасан нөхцөлийг дагаж мөрдсөн тохиолдолд, санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах, газарт байгаа хүн, өмч хөрөнгийн аюулгүй байдал болон хүрээлэн буй орчинд сөргөөр нөлөөлөхгүй гэж үзвэл Дарга “нөхцөл заасан” шийдвэр гаргана;
- (3) **Хүлээн авах боломжгүй:** Дарга санал болгосон ажиллагааг хүлээн авах боломжгүй шалтгааныг тогтоовол “хүлээн авах боломжгүй” гэсэн шийдвэр гаргах ба шалтгааныг тодорхой заана.

(b) Нислэг үйлдэх агаарын зайн ашиглалтын оновчтой төлөвлөлтийг хялбаршуулах зорилгоор хүлээн авах боломжгүй болон нөхцөл заасан аэродромын талаарх шийдвэрт хүчингүй болох хугацааг тодорхой заана.

(c) Энэ Дүрэмд шаардсан мэдэгдэл гаргах шаардлагатай бүх ажил, эсхүл ажиллагааг тухайн шийдвэрт заасан хугацаанд багтаан хэрэгжүүлж дууссан байна. Аливаа хэлбэрээр сунгасан, өөрчилсөн, эсхүл цуцалснаас бусад тохиолдолд, аэродромын талаарх шийдвэр нь заагдсан өдөр хүчингүй болно.

(d) Сонирхсон этгээд шийдвэрийн хүчингүй болох хугацаанаас 15-аас доошгүй хоногийн өмнө Даргад дараах хүсэлтийг гаргаж болно:

- (1) тухайн шийдвэр гаргасан үндэслэлийг өөрчлөх шинэ баримтад тулгуурлан шийдвэрийг дахин авч үзэх; эсхүл
- (2) шийдвэрийн үйлчлэх хугацааг сунгах.

157.13 Гүйцэтгэлийн талаарх мэдэгдэл

Энэ дүрмийн 157.5-ын дагуу хийгдсэн ажлын гүйцэтгэлийг хамаарал бүхий этгээд тухайн ажиллагаа дууссанаас хойш 15 хоногийн дотор Даргад бичгээр гүйцэтгэлийн талаар мэдэгдэнэ.

--oOo--